

Dayigə tɔɔ kulu
ZAN
 na pɔpɔnt tɪn

Dayigə tɔɔ kulu Zan na pɔpɔnt tɪn na brɪ dɪbam
 kulu tɪn mu tɪntu

Zezi kɔgɔ kum nakwɪ Zan dɛɛn pɔpɔnt tɔɔ kuntu
 o pa WE nɔɔna balu na jɪgɪ bɔbwea vwan zaastm tiinə
 na zu ba kɔgɔ kum wɔnt tɪn ɲwaanɪ mu. Bantu vɪn nɪ
 Zezi yɪ Baɲa-WE Bu mu, yɪ ba daa ta ɲwɪ lwarɪm wɔnt.

Zan ma pɔpɔnt o brɪ-ba nɪ Zezi sɪntɪ o yɪ WE Bu mu
 yɪ o ji nabiinu o ba lɔgɔ baɲa.

Baɲa-WE yɪ pooni tu mu, yɪ Dɪ yɪ sono tu. Dɪbam na
 yɪ Dɪ biə tɪn, dɪ maɲɪ sɪ dɪ taá ɲwɪ pooni wɔnt mu, sɪ
 dɪ taá soe daant.

Ku nan daa na yɪ lwarɪm jəgə nɪ, Zan brɪ dɪbam nɪ dɪ
 maɲɪ sɪ dɪ ta dɪ lwarɪm dɪ WE mu, sɪ WE yagɪ Dɪ ma cɛ
 dɪbam Zezi na tɪgɪ dɪbam ɲwaanɪ tɪn. Wɔlu nan na ɲwɪ
 dɪ Zezi tɪn maɲɪ sɪ o yagɪ lwarɪm kəm mu.

Zezi mu yɪ Bɪtara kalu na paɪ nabiinə ɲwɪa tɪn

¹ Dɪbam pɔpɔnt tɔɔ kuntu sɪ dɪ pa á lwarɪ wɔlu na
 maɲɪ o wɔra pulim nɪ tɪn mu. Dɪbam dɛɛn ni o kwərə
 mu, yɪ dɪ na-o dɪ dɪ yiə dɪ. Dɪ ma fɔgɪ dɪ nii-o, yɪ dɪ
 ta kwəri dɪ dwe-o dɪ dɪ ja. *Ku* yɪ ɲwɪa Bɪtara woɲo mu
 dɪ lagɪ dɪ ɲɔɔnt dɪ abam. ² ɲwɪa kam kuntu nan tu ka
 naɪ jaja. Dɪ ma na-ka, yɪ dɪ lagɪ dɪ maɲɪ ka na yɪ te tɪn
 dɪ brɪ abam. WE ɲwɪ-duɲa kalu na ba ti tɪn taant mu
 dɪ lagɪ dɪ ta. ɲwɪa kam kuntu ya wɔ dɪbam Ko WE tee
 nɪ mu, yɪ Dɪ laan pa dɪ lwarɪ-ka. ³ Dɪ na nɛ kulu yɪ dɪ
 kwəri dɪ ni kulu tɪn mu dɪ lagɪ dɪ ta dɪ brɪ abam, sɪ ku

pa abam taá jıgt wəl-dɔnɔ dı dıbam, dı maama na ɣwt dı dı Ko WE dı Dı Bu Zezi Krişı tın ɣwaantı.

⁴ Dı pıppıntı wəenu tım kuntı dı brı abam, sı kı pa dıbam maama tiini dı taá jıgt wıpolo mı.

Baŋa-WE mı yı pooni tu

⁵ Kwərə kalı dıbam na ni WE Bu Zezi tee nı yı dı lagı dı ta dı brı abam tın mı tıntı: Baŋa-WE yı pooni tu mı, lim təri Dı tee nı dı fınfın dı. ⁶ Dı na tı dı wı, dı ɣwt dı WE, yı dı ta na wı lim wıntı, kı brı nı dı fı vwan mı, yı dı kikiə ba tıgt ıga cwəŋə kam. ⁷ Kı daartı, dı nan na ɣwt pooni wıntı nı WE na wı pooni wıntı te tın, kuntı wı pa dıbam maama taá jıgt wəl-dɔnɔ daantı, yı WE Bu Zezi Krişı jana kam wı saartı dı lwarım maama.

⁸ Dı nan na tı dı wı, dı ba jıgt lwarım, dı gantı dı tıttı mı, ıga təri dı tee nı. ⁹ Dı nan na sı dı ta dı lwarım dı WE, Dı laan wı yaŋı-dı Dı ma cı dıbam, yı Dı daartı Dı saartı dı wo-balwaarı tım maama. BEɣwaantı WE bá kwantı Dı ni, Dı yı ıga tu mı. ¹⁰ Kı daartı, dı na tı dı wı, dı wı kı lwarım, dı paı WE yı vwa-nyım mı, yı kı brı nı dı wı jıŋı Dı taantı dım mı dı kı dı wıbıŋa nı.

2

Zezi Krişı mı fıgtı nabiinə dı WE daantı

¹ A bu-sonnu-ba, a pıppıntı tıɔɔ kuntı a pa abam, sı á yı kı lwarım mı. Dıbam wılı nan na kı lwarım, dı jıgt wılı na wı fıgtı dıbam dı dı Ko WE daantı tın. Wıntı mı yı Zezi Krişı wılı na ba jıgt lwarım dı fınfın dı tın. ² Wıntı mı mı o tıttı o kaantı Baŋa-WE, yı Dı yaŋı dıbam lwarım Dı ma cı dıbam. Kı nan dat dıbam yırant lwarım má, kı yı lıgı baŋa nıɔna maama lwarım ɣwaantı mı.

³ Dɪbam na sɛ Wɛ niə yam mʊ, kʊbʊ brɪ nɪ dɪ sɪnɪ dɪ ye-Dɪ. ⁴ Nɔɔnʊ nan na tɛ o wɪ, wʊm ye Wɛ, yɪ o na ba sɛ Wɛ niə yam, kʊntʊ tu yɪ vwa-nyɪm mʊ, yɪ cɪga tɛri o tee nɪ. ⁵ Kʊ daari, nɔɔnʊ wʊlʊ nan na sɛ Wɛ taani dɪm tɪn, kʊntʊ tu yɪ wʊlʊ najɪgɪ Wɛ sono kʊm cɪga cɪga tɪn mʊ. Kʊntʊ mʊ wʊ brɪ nɪ dɪ sɪnɪ dɪ ɲwɪ dɪ Wɛ. ⁶ Nɔɔnʊ wʊlʊ nan na tɛ o wɪ, o ɲwɪ dɪ Wɛ, kʊntʊ tu maɲɪ sɪ o taa ɲwɪ nɪ Zezi Krisi dɛɛn na ɲwɪ te tɪn mʊ.

Wɛ ni dɪm na brɪ te tɪn

⁷ A badon-sonnu-ba, ni dɪlʊ a na pʊpʊntɪ a pa abam tɪn dat ni-dʊʊrɪ. Dɪ yɪ ni-doori mʊ, dɪ maɲɪ dɪ wʊra dɪ abam mʊ pulim nɪ. Ni dɪm kʊntʊ yɪ taani dɪlʊ abam na maɲɪ á ni tɪn mʊ. ⁸ Kʊ daari, dɪ nan daa ta yɪ ni-dʊʊrɪ mʊ amʊ na pʊpʊntɪ a pa abam, bɛɲwaaɪ Zezi mʊ brɪ ni dɪm kʊntʊ cɪga kam, yɪ abam dɪ brɪ cɪga kam kʊntʊ. Kʊ maa pa lim maa kɛa, yɪ pooni dɪlʊ na yɪ cɪga tɪn laan zɔɲi.

⁹ Nɔɔnʊ wʊlʊ maama na tɛ o wɪ, o ɲwɪ pooni wʊntɪ, yɪ o na culi o donnə, kʊntʊ tu ta wʊ lim wʊntɪ mʊ dɪ zɪm maama. ¹⁰ Kʊ daari, nɔɔnʊ wʊlʊ nan na soe o donnə tɪn, kʊntʊ tu mʊ ɲwɪ pooni wʊntɪ. Kʊlʊkʊlʊ tɛri o ɲwɪa wʊntɪ, kʊ na wʊ pa nɔɔnʊ tʊ lwarɪm wʊntɪ. ¹¹ Nɔɔnʊ wʊlʊ nan na culi o donnə tɪn wʊ lim wʊntɪ mʊ o veə, o yəri o na ve mɛ tɪn, bɛɲwaaɪ lim dɪm mʊ pɛ o yiə daa ba natɪ.

¹² A bu-sonnu-ba, a pʊpʊntɪ tɔnɔ kʊntʊ a pa abam, bɛɲwaaɪ Wɛ yagɪ á lwarɪm Dɪ ma cɛ abam Zezi yɪrɪ ɲwaaɪ mʊ.

¹³ A pʊpʊntɪ a pa abam balʊ na yɪ kwə tɪn, bɛɲwaaɪ á maɲɪ á ye wʊlʊ na maɲɪ o wʊra pulim nɪ tɪn.

A pʊpʊntɪ a pa abam nɔn-dʊnnʊ tɪm, bɛɲwaaɪ á want wo-lwaanʊ tu sʊtaani.

¹⁴ A biä-ba, a pɔpɔnt a pa abam, bɛɣwaant abam maɣt á ye dí Ko Wɛ.

A pɔpɔnt a pa abam balɔ na yɪ kwə tɪn, bɛɣwaant abam maɣt á ye wɔlɔ na maɣt o wɔra pulim nt tɪn.

Nɔn-dɔnnɔ tɪm, a pɔpɔnt a pa abam, bɛɣwaant abam dana. Wɛ taant dɪm maa wɔ á wɔnt, yɪ á want wo-lwaanɔ tu sɔtaant.

¹⁵ Yɪ zanɪ-na á taá soe lɔgɔ baɣa dɪ kɔ wo-yɔɔrɔ tɪm. Nɔɔnɔ wɔlɔ na soe lɔgɔ baɣa wo-yɔɔrɔ tɪm tɪn, kɔntɔ tu daa ba jɣt dí Ko Wɛ sono o bɪcari nt. ¹⁶ Bɛɣwaant lɔgɔ baɣa wəenu tɪm maama, kɔ na yɪ nabiinə fra na yəni ya zɔvɪ wo-yɔɔrɔ tɪlɔ tɪn, naa nabiinə yɪə na sui wəenu tɪlɔ tɪn, naa nabiinə na magɪ ba nyɔɔna dɪ ba jɣɣɪrɔ te tɪn, tɪntɔ maama dai dí Ko Wɛ nyɪm, tɪ yɪ lɔgɔ baɣa nyɪm mɔ. ¹⁷ Lɔgɔ baɣa dɪ kɔ wo-yɔɔrɔ tɪm nabiinə fra na zɔvɪ tɪn lagɪ tɪ kɛ mɔ. Kɔ daart wɔlɔ nan na kɪ kɔlɔ Wɛ wɔbɔɣa na lagɪ tɪn mɔ wú ta ɣwɪ sɪ kɔ taa ve maɣa kalɔ na ba ti tɪn.

Zezi Krisi Dɔm wɔm na wú ba te tɪn

¹⁸ A biä-ba, lɔgɔ baɣa kweelim da yam twɛ ya ti. Abam nan maɣt á ni nt Zezi Krisi Dɔm wɔm maa bɪna. Lele kɔntɔ, Zezi Krisi dɔna zanzan mɔ laan nan tu ba wɔra. Kɔ ma pa dí ye nt da yam kɔntɔ twɛ ya ti. ¹⁹ Nɔɔna bam kɔntɔ pwe ba tɪtɪ mɔ dɪbam kɔgɔ kɔm wɔnt, ba nan maɣt ba dai dɪbam kɔgɔ kɔm nɔɔna cɪga cɪga. Ba ya na yɪ dɪbam kɔgɔ kɔm nɔɔna, ba ya bá yagɪ dɪbam te. Ba nan pwe ba tɪtɪ kɔntɔ, sɪ kɔ brɪ lanyɪrant nt bantɔ wɔlɔwɔlɔ ya maɣt o dai dɪbam kɔgɔ kɔm wɔ nɔɔnɔ mɔ.

²⁰ Kɔ nan na yɪ abam, á maɣt á jɔɣi Wɛ Joro kɔm Krisi na pɛ abam tɪn, yɪ kɔ pa á maama lɔwɪ Wɛ cɪga kam.

²¹ Kɔntɔ, a nan na pɔpɔnt a pa abam tɪn, kɔ dai nt a wɪ, á yəri cɪga mɔ. Wɔɣo kɔlɔ ɣwaant a na pɔpɔnt tɪn mɔ

yt st á maŋt á ye kvlv na yt cŷga, yt á ye nt kvlv maama na yt vwan tŷn bá want kv nuŋi cŷga wvnt.

²² Wvvn nan yt vwa-nyŷm tŷn? Kv yt wvlv na tE nt Zezi dat Krisi wvm WE na tŷŋt tŷn mv. Kvntv tu yt Zezi Krisi dvm mv, yt o vŷn dŷ Ko WE dt Dl Bu wvm dt. ²³ Wvlv maama nan na vŷn WE Bu wvm tŷn, o vŷn o Ko WE dt mv. Kv daart, wvlv maama na brt nt o sE WE Bu wvm tŷn, o Ko WE dt wvra dt kvntv tu.

²⁴ Kvntv, á taá jŷgt zaasŷm dtlv á na maŋt á ni pulim nt tŷn á bŷcara nt. Á na sE á jŷgt zaasŷm dtm kvntv, kvv pa abam dt WE Bu wvm dt o Ko WE taa ŋwt daant. ²⁵ Mv WE Bu wvm na goni ni st o pa dtbam kvlv tŷn, kv yt WE ŋwt-dvŋa kalv na ba ti tŷn mv.

²⁶ Amv pvpvnt wænu tŷm kvntv a pa abam, st á want á lwart balv na lagt ba gant abam tŷn woŋo mv. ²⁷ Kv nan na yt abam, WE Joro kvm Zezi na pE abam tŷn wv á bŷcara nt, yt á daa wv maŋt st ncvn-ncvnv zaast abam. WE Joro kvm brt abam woŋo maama kuri. Kv zaasŷm dtm yt cŷga mv, dt dat vwan. Kvntv tŷn, á taá ŋwt dt Zezi, ntEent kv na brt abam te tŷn.

²⁸ A bu-sonnu-ba, pa-na dŷ taá ŋwt dt-d-o, st maŋa kam o na wv joori o ba tŷn, dŷ wv na baart yt cavtŷra bá ja dtbam o yigæ nt. ²⁹ Abam na ye nt Zezi yt cŷga tu tŷn, lwart-na nt wvlv maama kikiæ na tvgŷ cŷga WE cwæŋæ nt tŷn yt WE bu mv.

3

Dŷbam yt WE biæ mv

¹ Nan bŷŋt-na á nii, dŷ Ko WE na tiini Dl soe dtbam te yt Dl mat dtbam Dl bæ nt Dl biæ tŷn. Dŷ nan stŷnt dŷ yt kvntv mv. Kvntv mv ncvna balv na yt lvgv baŋa nyŷm tŷn yigæ tære dt dtbam, ba na yæri WE tŷn ŋwaant.

² A badon-sonnu-ba, dɪbam laan yɪ Wɛ biə mʊ. Dɪ nan na wʊ ba dɪ taá yɪ te tɪn daa ta wʊ brɪ fast. Dɪ nan na ye kʊlʊ tɪn mʊ yɪ: Zezi na wʊ joori o ba maɲa kalʊ tɪn, dɪ laan wʊ ta yɪ nɪ wʊm tɪtɪ na yɪ te tɪn, bɛɲwaant dɪ wʊ na o na yɪ te tɪn fast. ³ Wʊlʊ maama na jɪgt tɪna yantʊ dɪ Zezi tɪn, kʊntʊ tu maɲɪ sɪ o taa ɲwɪ dɪ wʊ-porɲo, nɪ Zezi na yɪ wʊ-porɲo tu te tɪn mʊ.

⁴ Wʊlʊ maama na kɪ lwarɪm tɪn vɪn Wɛ ni mʊ. Lwarɪm kəm yɪ Wɛ ni vɪn mʊ. ⁵ Abam ye nɪ, Zezi Krisi na tu lʊgʊ baɲa tɪn, kʊ yɪ sɪ o saarɪ nabiinə lwarɪm mʊ o yagɪ. Wʊntʊ nan ba jɪgt lwarɪm dɪ finfɪtɪn dɪ. ⁶ Kʊntʊ, wʊlʊ maama na ɲwɪ dɪd-o tɪn yagɪ lwarɪm kəm mʊ. Wʊlʊ maama nan ta na kɪ lwarɪm tɪn, kʊ brɪ nɪ o ta wʊ lwarɪ Zezi mʊ, yɪ o kwəri o yəri o na yɪ wʊlʊ tɪn.

⁷ A bu-sonnu-ba, yɪ pa-na nɔɔn-nɔɔnʊ na cwəɲə o gant abam. Wʊlʊ maama tɪtʊɲa na tɔgt ɔɪga tɪn mʊ jɪgt ɔɪga Wɛ tee nɪ, nɪ Zezi na jɪgt ɔɪga te tɪn. ⁸ Kʊ daarɪ, wʊlʊ maama nan ta na tɔgt lwarɪm kəm tɪn, kʊ brɪ nɪ o yɪ sʊtaant nɔɔnʊ mʊ, bɛɲwaant sʊtaant maɲɪ dɪ kɪ lwarɪm kʊ zɪgt pulim nɪ mʊ. Wɛ Bu wʊm nan tu lʊgʊ baɲa sɪ o ɔɔgt sʊtaant tɪtʊɲa mʊ. ⁹ Wʊlʊ maama na yɪ Wɛ bu tɪn yagɪ lwarɪm kəm mʊ, bɛɲwaant Wɛ dam dɪlʊ na pat ɲwɪa tɪn wʊ o tee nɪ. Kʊntʊ tɪn, o daa bá want o ta taa kɪ lwarɪm, o na yɪ Wɛ bu tɪn ɲwaant. ¹⁰ Kʊntʊ mʊ yɪ kʊlʊ na pɔɔrɪ balʊ na yɪ Wɛ biə dɪ balʊ na yɪ sʊtaant biə tɪn daant. Wʊlʊ maama kikiə na ba tɔgt ɔɪga yɪ o ba soe o donnə tɪn dat Wɛ nɔɔnʊ.

¹¹ Kʊ yɪ ɔɪga mʊ, dɪ maɲɪ sɪ dɪ taá soe daant. Kʊntʊ mʊ yɪ Wɛ kwərə kam abam na maɲɪ á ni pulim nɪ tɪn. ¹² Dɪ nan wʊ maɲɪ sɪ dɪ kɪ nɪnɛɛnɪ Kayin na kɪ kʊlʊ faɲa faɲa tɪn. Wʊntʊ dɛɛn yɪ wo-lwaanʊ tu sʊtaant jɪɲa nɔɔnʊ mʊ, yɪ o gʊ o nyaant. Bɛɛ nan mʊ kɪ yɪ o gʊ-o?

Ku yi wum titt kikiə na ba lana, yi o nyaant wum kikiə tɔgi cɪga tɪn ŋwaant mu.

Dí maɲɪ si dí taá soe daant mu

¹³ A ko-biə-ba, lɔgu baɲa nɔɔna bam na culi abam, á yi pa ku su abam. ¹⁴ Ku na yi dɪbam, dí ye ni dí maɲɪ dí yagi tɔvɔni cwəŋə, yi dí daari dí tɔgi WE ŋwi-dɔŋa kam cwəŋə mu. Dí na soe dí donnə tɪn mu pai dí lwart kɔntu. Wɔlu maama nan na ba soe o doŋ tɪn ta wɔ tɔvɔni jɪŋa ni mu. ¹⁵ Wɔlu maama na culi o donnə tɪn yi nɔn-gurɔ mu. Abam nan ye ni nɔn-gurɔ bá want o taa jɪgi WE ŋwi-dɔŋa kam o bɪcari ni.

¹⁶ Zezi na tiini o soe dɪbam tɪn mu te o sɛ si o ti dɪbam ŋwaant. Kɔntu mu pɛ dí lwart sono cɪga cɪga na yi te tɪn. Mu ku kuri dɪbam di maɲɪ si dí sɛ si dí ti dí donnə ŋwaant. ¹⁷ Nɔɔnɔ wɔlu maama na yi jɪjɪgɪrɔ tu tɪn na nɛ ni o doŋ ba gara, yi o na wɔ pɛ o ŋwaɲa zɔ-o, ku bri ni WE sono kum təri kɔntu tu bɪcari ni mu.

¹⁸ A bu-sonnu-ba, dí kikiə mu maɲɪ si ya bri ni dí sono kum dí na jɪgi tɪn dai ni-taant yɪranɪ, si ku yi sono kulɔ na yi sono cɪga cɪga tɪn mu.

¹⁹ Dí na jɪgi sono kum kɔntu doŋ, kú pa dí lwart ni dí sɪni dí tɔgi cɪga cwəŋə kam, yi kú pa dí bɪcara taa tigi jəgə dɪdɔa WE yigə ni. ²⁰ Kɔntu, dí bɪcara nan na pɛ dí lwart ni dí kɪ dí tusi, dí ye ni WE ye Dɪ dwe dí bɪcara yam na ye te tɪn, yi dɪntu mu ye wənu maama.

²¹ A badon-sonnu-ba, dɪbam bɪcara nan na bá want ya cɔgi dɪbam tɪn, dí wú ta jɪgi baari WE yigə ni. ²² Dí wú na woŋo kulɔ maama dí na wú loori Dɪ tee ni tɪn, dí na sɛ Dɪ ni yi dí kɪ kulɔ na poli Dɪ wɔ tɪn ŋwaant. ²³ Ni dɪlɔ WE na pɛ dɪbam tɪn mu tɪntu: Dí maɲɪ si dí kɪ dí wɔ-dɪdɔa di Dɪ Bu Zezi Kɪsi, si dí kwəri dí taá soe daant, ni nɛɛnt wɔntu na pɛ dɪbam ni si dí taá soe-da

te tɪn. ²⁴ Wʊɫʊ maama na sɛ Wɛ niə yam tɪn ŋwɪ dɪ Dɪ mʊ, yɪ Wɛ dɪ wɔra dɪ kʊntʊ tu. Wɛ Joro kʊm Dɪ na pɛ dɪbam tɪn mʊ pɛ dɪ lɔwɪ nɪ Wɛ sɪnɪ Dɪ wɔra dɪ dɪbam.

4

Dɪ na wʊ kɪ te dɪ lɔwɪ Wɛ Joro dɪ sʊtaant joro daant tɪn

¹ A badon-sonnu-ba, yɪ zaŋɪ-na á sɛ nɔɔnʊ wʊɫʊ maama na tɛ o wɪ Wɛ Joro kʊm wʊ o tee nɪ tɪn. Á nan maŋɪ sɪ á maast mʊ á nii, sɪ á lɔwɪ kʊ na yɪ Wɛ Joro kʊm naa kʊ na dat. Bɛŋwaantɪ vwa-Wɛ-nijonɔnə zanzan tu ba kartɪ lɔgʊ baŋa nɪ ba gantɪ nɔɔna. ² A nan lagtɪ a brɪ abam á na wʊ kɪ te, sɪ á lɔwɪ kʊ na yɪ Wɛ Joro kʊm naa kʊ dat tɪn mʊ. Nɔɔnʊ wʊɫʊ maama na sɛ o wɪ, Zezi Krisi dɛɛn jigi nabiinu o ba lɔgʊ baŋa tɪn, Wɛ Joro kʊm wʊ kʊntʊ tu tee nɪ. ³ Kʊ daartɪ, nɔɔnʊ wʊɫʊ maama na vɪn Zezi tɪn, Wɛ Joro kʊm tɛrɪ kʊntʊ tu tee nɪ, yɪ joro kʊɫʊ na wʊ o tee nɪ tɪn yɪ Zezi Krisi Dʊm wʊm nyɪm mʊ. Abam maŋɪ á lɔwɪ nɪ Dʊm wʊm kʊntʊ lagtɪ o ba lɔgʊ baŋa. Lele kʊntʊ o nan maŋɪ o ba o wɔra.

⁴ A bu-sonnu-ba, abam yɪ Wɛ nɔɔna mʊ, yɪ á wantɪ vwa-nyɪna bam kʊntʊ, bɛŋwaantɪ Wɛ Joro na wʊ á wʊntɪ tɪn, kʊ dam dwe joro kʊɫʊ na wɔra dɪ lɔgʊ nɔɔna bam tɪn dam. ⁵ Vwa-nyɪna bam kʊntʊ kugu je wʊ lɔgʊ baŋa nɪ mʊ. Kʊntʊ ŋwaantɪ ba na yəni ba ŋɔɔntɪ kʊɫʊ tɪn nunji lɔgʊ baŋa mʊ, yɪ kʊ nɔɔna bam yəni ba sɛ bantʊ na tɛ kʊɫʊ tɪn. ⁶ Kʊ nan na yɪ dɪbam, dɪ yɪ Wɛ nɔɔna mʊ. Wʊɫʊ maama na ye Wɛ tɪn mʊ wʊ sɛ dɪbam na tɛ kʊɫʊ tɪn. Wʊɫʊ nan na dat Wɛ nɔɔnʊ tɪn ba sɛa. Kʊntʊ mʊ dɪ wʊ wantɪ dɪ lɔwɪ Joro kʊɫʊ na yɪ cɪga dɪ vwan joro kʊm daantɪ.

Wɛ yɪ sono tu mʊ

⁷ A badon-sonnu-ba, pa-na dí taá soe daant, beɲwaant sono nuɲi WE te mu. Wʊlʊ maama na soe o donnə tɪn, kʊntʊ tu yɪ WE bu mu, yɪ o kwəri o ye WE. ⁸ Wʊlʊ maama nan na ba soe o donnə tɪn ta wʊ lwarɪ WE, beɲwaant WE yɪ sono tu mu. ⁹ WE nan brɪ nɪ Dɪ soe dɪbam, dɪ Dɪ na tʊɲɪ Dɪ Bu-dua sɪ o ba lʊɖʊ baɲa sɪ dí want dí na Dɪ ɲwɪ-duɲa kam wʊm ɲwaant tɪn. ¹⁰ Sono kʊm nan na yɪ te tɪn mu tɪntʊ: Kʊ dat nɪ dɪbam mu soe WE, kʊ yɪ WE mu soe dɪbam. Dɪntʊ sono kʊm mu pɛ Dɪ tʊɲɪ Dɪ Bu wʊm sɪ o ba o tɪ o ma o jana kam o saart dí lwarɪm.

¹¹ A badon-sonnu-ba, WE na tiini Dɪ soe dɪbam kʊntʊ tɪn, kʊ maɲɪ sɪ dɪbam dɪ ta soe daant mu. ¹² Nɔɔn-nɔɔnʊ tərə o yɪ na nɛ Baɲa-WE. Nan dɪ kʊ dɪ, dí na soe daant, WE wʊ ta wʊra dɪ dɪbam, yɪ Dɪ sono kʊm wʊ dí bɪcara nɪ cɪga cɪga.

¹³ WE na pɛ dɪbam Dɪ Joro kʊm tɪn mu pat dí ye nɪ dí ɲwɪ dɪ WE, yɪ WE dɪ wʊra dɪ dɪbam. ¹⁴ Dɪbam nɛ nɪ dí Ko WE tʊɲɪ Dɪ Bu wʊm sɪ o ba lʊɖʊ baɲa o ji nabiinə Vɪrnʊ mu. Cɪga kam kʊntʊ mu dɪbam nan jɪɖɪ dí brɪ nɔɔna. ¹⁵ Wʊlʊ maama na brɪ jaja nɪ Zezi yɪ WE Bu mu tɪn, WE wʊra dɪ kʊntʊ tu, yɪ wʊntʊ dɪ ɲwɪ dɪ WE. ¹⁶ Dɪbam tɪtɪ lwarɪ WE na soe dɪbam te tɪn, yɪ dí sɛ Dɪ sono kʊm kʊntʊ. WE yɪ sono tu mu. Wʊlʊ maama na ɲwɪ sono wʊntɪ tɪn, kʊntʊ tu ɲwɪ dɪ WE mu, yɪ WE dɪ wʊra dɪd-o.

¹⁷ WE sono kʊm na wʊ dɪbam bɪcara nɪ cɪga cɪga, kʊv pa dí na baart dɛ dɪm WE na wʊ ba Dɪ di nabiinə sartya tɪn. Beɲwaant dɪbam ɲwɪ dɪ WE lʊɖʊ baɲa nɪ, nɪ Zezi dɪ na ɲwɪ dɪ Dɪ te tɪn mu. ¹⁸ Fʊbʊntɪ bá want dɪ taa wʊ sono wʊntɪ. Sono kʊlʊ na yɪ cɪga tɪn mu wʊ zəli fʊbʊntɪ kʊ pa dɪ viiri. Zwɛ vaɲɪm mu pat fʊbʊntɪ wʊra. Kʊntʊ

tɪn, nɔɔnɔ wɔɔɔ na kwari fɔɔnɔ tɪn, kɔ brɪ nɪ Wɛ sono kɔm tɛri o bɪcari nɪ cɪga cɪga mɔ.

¹⁹ Wɛ na dɛ yigə Dɪ soe dɪbam tɪn mɔ paɪ dɪbam dɪ jɪgɪ sono. ²⁰ Nɔɔnɔ na tɛ o wɪ, wɔm soe Wɛ, yɪ o ta na culi o donnə, kɔntɔ tu yɪ vwa-nyɪm mɔ. Bɛɲwaantɪ, nmɔ yɪ na nat n doɲ yɪ n ba so-o tɪn, n bá want n ta n soe Wɛ yɪ n yɪ ba na-Dɪ. ²¹ Ni dɪɔ Wɛ na pɛ dɪbam tɪn mɔ tɪntɔ: Wɔɔɔ maama na soe dɪntɔ tɪn maɲɪ st o ta soe o donnə dɪ mɔ.

5

Zezi na pɛ dɪbam wɔɔɔ lɔgɔ baɲa nɪ te tɪn

¹ Wɔɔɔ maama na kɪ o wɔ-dɪdɔa o sɛ nɪ Zezi yɪ Krisi wɔm Wɛ na tɔɲɪ tɪn, kɔntɔ tu yɪ Wɛ bu mɔ. Wɔɔɔ maama nan na soe ko tɪn soe ko wɔm biə dɪ mɔ. ² Kɔntɔ, dɪ na soe Wɛ yɪ dɪ sɛ Dɪ niə yam, dɪ ye nɪ dɪ soe Dɪ biə dɪ mɔ. ³ Dɪ na wɔ ta soe Wɛ te tɪn mɔ yɪ st dɪ taá sɛ Dɪ niə yam. Dɪ niə yam tɔgɪm nan bá ta cana dɪ dɪbam, ⁴ bɛɲwaantɪ wɔɔɔ maama na yɪ Wɛ bu tɪn want lɔgɔ baɲa wo-balwaarɔ tɪm. Kɔ yɪ dɪbam na kɪ dɪ wɔ-dɪdɔa dɪ Zezi tɪn mɔ pɛ dɪ want wo-balwaarɔ tɪm kɔntɔ. ⁵ Nɔɔnɔ-nɔɔnɔ tɛrə o na wɔ want lɔgɔ baɲa wo-balwaarɔ tɪm, kɔ na dat wɔɔɔ maama na sɛ nɪ Zezi yɪ Wɛ Bu tɪn yɪrantɪ.

Baɲa-Wɛ brɪ nɪ Zezi yɪ Dɪ Bu mɔ

⁶ Zezi Krisi mɔ yɪ wɔɔɔ dɛɛn na tu lɔgɔ baɲa, yɪ Baɲa-Wɛ brɪ nɪ o yɪ dɪntɔ Bu maɲa kalɔ ba na miis-o na wɔntɪ dɪ maɲa kalɔ o na tɪga yɪ o jana nuɲɪ tɪn. Kɔ nan dat na yɪrantɪ, kɔ yɪ na dɪ jana mɔ. Wɛ Joro dɪ nan brɪ jaja nɪ wəənu tɪm kɔntɔ yɪ cɪga mɔ, kɔ na yɪ cɪga tu tɪn ɲwaantɪ. ⁷ Kɔntɔ, Wɛ dɛ wəənu tɪtɔ ɲwaantɪ mɔ Dɪ pa dɪ lwart nɪ Dɪ zɪgɪ Dɪ Bu wɔm cɪga kam kwaga nɪ. ⁸ Kɔ yɪ Dɪ Joro kɔm dɪ na bam dɪ jana kam mɔ. Wəənu tɪm

kuntv maama brt ciga didva mv. ⁹ Dɪbam yəni dɪ sɛ nabiinə na tɛ kulv nɪ kv yɪ ciga tɪn. Kv nan na yɪ Wɛ na zɪgt ciga kalv kwaga nɪ tɪn, ka tiini ka jɪgt kuri ka dwe nabiinə na tɛ kalv tɪn. Dɪntv nan mv yɪ dɪlv na zɪgt Zezi kwaga nɪ yɪ Dɪ brt nɪ o yɪ Dɪ Bu tɪn. ¹⁰ Kuntv ɲwaant, wɪlv maama na kɪ o wɪ-dɪdva dɪ Wɛ Bu wɪm tɪn, kuntv tu jɪgt Wɛ ciga kam kuntv o bɪcarɪ nɪ. Kv daart, wɪlv maama na wɪ sɛ Wɛ tɪn, kuntv tu brt nɪ Wɛ yɪ vwa-nyɪm mv, bɛɲwaant o wɪ sɛ ciga kalv Wɛ na tagɪ Dɪ Bu wɪm ɲwaant tɪn. ¹¹ Ciga kam kuntv mv yɪ Wɛ na pɛ dɪbam ɲwɪa kalv na ba ti tɪn. ɲwɪa kam kuntv nan yɪ Dɪ Bu wɪm ɲwaant mv. ¹² Wɪlv maama na ɲwɪ dɪ Wɛ Bu wɪm tɪn, kuntv tu mv jɪgt Wɛ ɲwɪa kam kuntv. Wɪlv nan na ba ɲwɪ dɪ Wɛ Bu wɪm tɪn, kuntv tu ba jɪgt Wɛ ɲwɪa kam kuntv.

¹³ Amv pɪpɪvnt wəənu tɪntv a pa abam balv na kɪ á wɪ-dɪdva dɪ Wɛ Bu wɪm tɪn, sɪ á lwarɪ nɪ á sɪntɪ á na ɲwɪa kalv na ba ti tɪn Wɛ tee nɪ. ¹⁴ Kuntv mv dɪ ye fast Wɛ yɪgə nɪ nɪ, dɪ na loori woɲo Dɪ tee nɪ yɪ kv tɔgt Dɪ wɪbɪɲa, Dɪ wɪ cəgi dɪ loro kɪm. ¹⁵ Dɪ nan na ye nɪ Wɛ cəgi dɪbam loro kɪm, dɪ ye nɪ dɪ wɪ na woɲo kulv dɪ na loori Dɪ tee nɪ tɪn.

¹⁶ Nmɪ na nɛ n doɲ wɪra o kɪ lwarɪm, yɪ kv daɪ lwarɪm dɪlv na jɪgt-o dɪ ve tɪvnt wɪ tɪn, kv maɲt sɪ n loori Wɛ mv n pa-o. N na loori Wɛ kuntv, Dɪ laan wɪ pa n doɲ wɪm na ɲwɪa. Kv nan yɪ balv na kɪ lwarɪm dɪlv na ba jɪgt-ba dɪ ve tɪvnt wɪ tɪn ɲwaant mv. Kv daart, lwarɪm dɪdoɲ wɪra dɪ na wɪ pa tɪvnt ja wɪlv na kɪ-dɪ tɪn. Amv nan wɪ tagɪ nɪ á loori Wɛ á pa kuntv tu. ¹⁷ Kəm dɪlv maama na ba tɔgt ciga tɪn yɪ lwarɪm mv. Lwarɪm nan wɪra dɪ na ba jaant nɔɔvnt dɪ ve tɪvnt wɪ. Kv yɪ dɪntv taant mv a tɛa. ¹⁸ Dɪ ye nɪ wɪlv maama na yɪ Wɛ bu tɪn daa ba paalt o ta kɪ lwarɪm, bɛɲwaant Wɛ Bu

wum tɪtɪ mʊ nii wʊntʊ bɑɲa nɪ, yɪ o baá pa wo-lwaanʊ tu sʊtaant wan-o. ¹⁹ Dɪbam ye nɪ dí yɪ Wɛ nɔɔna mʊ. Kʊ daart balʊ maama na jɪgɪ kugu je lʊgʊ bɑɲa nɪ tɪn wʊ wo-lwaanʊ tu sʊtaant jɪɲa nɪ mʊ. ²⁰ Dí ye nɪ Wɛ Bu wum mʊ tu lʊgʊ bɑɲa, yɪ o vɪɪɪ dí swan yɪ dí want dí lwart Bɑɲa-Wɛ cɪga cɪga. Dí nan ɲwɪ dɪ Cɪga Tu Bɑɲa-Wɛ, dí na ɲwɪ dɪ Dɪ Bu Zezi Kɪsɪ tɪn ɲwaanɪ. Wʊntʊ mʊ yɪ Wɛ cɪga cɪga, o yɪ ɲwɪta kalʊ na ba ti tɪn tu.

²¹ A bu-sonnu-ba, á taá cʊ á tɪtɪ sɪ á yɪ tɔgɪ jwənə.

WƐ TƆNƆ dɪ kasɪm

Kasem (Kassem): WƐ TƆNƆ dɪ kasɪm New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 May 2022

993cfae5-b100-5981-87e7-5a648d773cb9